


AWIG AWIG DESA ADAT PESINGGAHAN



**KECAMATAN DAWAN
KABUPATEN DAERAH TINGKAT II KLUNGKUNG
BALI**

PIDAGING
MAKA BANTANG AWIG - AWIG DESA ADAT
PESINGGAHAN

	MURDHA CITTA	Widang
SARGA I	ARAN LAN WEWIDANGAN DESA.....	1
SARGA II	PETITIS LAN PAMIKUKUH.....	1
SARGA III	SUKERTA TATA PAKRAMAN.....	2
	Palet 1 Indik Krama.....	2
	Palet 2 Indik Prejuru desa.....	6
	Palet 3 Indik kulkul.....	8
	Palet 4 Indik Parumen lan Sangkepan.....	9
	Palet 5 Indik Druwen Desa.....	11
	Palet 6 Indik Sukerta Pamitegep.....	12
	Kaping 1 Karang, Tegal lan Carik....	12
	Kaping 2 Pepayonan.....	13
	Kaping 3 Wewangunan.....	14
	Kaping 4 Wewalungan.....	14
	Kaping 5 Bhaya.....	15
	Kaping 6 Penyanggran Banjar.....	16
SARGA IV	SUKERTA TATA AGAMA.....	17
	Palet 1 Indik Dewa Yadnya.....	17
	Palet 2 Indik Resi Yadnya.....	21
	Palet 3 Indik Pitra Yadnya.....	22
	Palet 4 Indik Manusa Yadnya.....	26
	Palet 5 Indik Butha Yadnya.....	27
SARGA V	SUKERTA TATA PAMONGAN.....	28
	Palet 1 Indik Pawiwahan.....	28
	Palet 2 Indik Nyepihan.....	31
	Palet 3 Indik Sentana.....	32
	Palet 4 Indik warisan.....	34
SARGA VI	WICARA LAN PAMIDANDA.....	36
	Palet 1 Indik Wicara.....	36
	Palet 2 Indik Pamidanda.....	37
SARGA VII	NGUWAH NGUWUHIN AWIG - AWIG.....	38
SARGA VIII	P A M U P U T.....	38

===== 0000000 =====

MURDHA - CITTA

OM SWASTIASTU,

Sengkening asung kerta waranugraha Ida Sanghyang Widhi Wasa Desa Adat Pesinggahan wewidangan Kecamatan Dawan Kabupat-
ten Daerah Tingkat II Klungkung, malarapan manah gilik seguluk
seha susrusa ngemanggehang awig - awig, tur ngereris peresida-
kasuratang.

Awig - awig gumanti wantah pinaka dasar miwah pamikukuh Desa -
Adat midabdabin kalih nyanggra kasukertan Desa rauhning kula -
warga pawongannyane, kejangkepin antuk Dharma Prawerti ngeraje-
gang Sanghyang Aji Agama, manut katattwaning Tri Hita Karana.
Awig - awig punika taler tan lempas ring Pancasila, Undang -
Undang Dasar 1945 miwah sehanan peraturan - peraturan sane da-
dos uger - uger panegara Republik Indonesia.

Mogi - mogi presida mikolihang manut sekadi mungga -
ring patitisnyane.

Om Shanti, Shanti, Shanti Om.

S A R G A I

ARAN LAN WEWIDANGAN DESA

Pawos 1

- (1). Desa Adat punika mawasta : Desa Adat Pesinggahan.
- (2). Wewidangannya mawates nyatur sekadi ring sor :
 - a. Sisi wetan : Desa Adat Antiga Kabupaten Daerah Tingkat II Karangasem.
 - b. Sisi kidul : Selat Badung.
 - c. Sisi Kulon : Desa Adat Pundukdewa, Desa Adat Dewan.
 - d. Sisi Lor : Desa Adat Piket.
- (3). Desa Adat punika kawangun antuk karang ayahan Desa, tur - maning kaepah dados 5 Banjar luire :
 - a. Banjar Bedauh.
 - b. Banjar Kloden.
 - c. Banjar Kawan.
 - d. Banjar Kanginan.
 - e. Banjar Timbul.

Pawos 2

Desa Adat puniki ngewengku :

a. P u r a :

1. Pura Sad Kahyangan Goalawah.
 2. Pura Pucaksari.
 3. Pura Kahyangan Tiga makadi : Pura Bale Agung, Pura Puseh Pura Dalem.
 4. Pura Pasar.
 5. Pura Balangtamak . .
 6. Pura Dadia utawi Paibon.
- b. Pekarangan Desa utawi tanah banjar lan telajakannya.
 - c. Tanah pekarangan paumahan, tegal muah carik.
 - d. Margi lan Kurung.
 - e. Telabah utawi Tukad.
 - f. S e t r o .

S A R G A II

PETITIS LAN PEMIKUKUH

Pawos 3

Desa Adat Pesinggahan ngemanggehang pamikukuh sekadi :

- a. Pancasila.....

- a. Pancasila.
- b. Undang - Undang Dasar 1945 pamakas pasal 18.
- c. Tri Hita Karana manut sada cara Agama Hindu.

Pawos 4

Petititis Desa Adat puniki kasurat sekadi ring sor :

- a. Mikukuhang miwah ngerajegang Sang Hyang Agama Hindu.
- b. Nginggilang tata prawertine ma Agama Hindu.
- c. Ngerajegang kasukertan Desa saha pawongannya sekala lawan -
niskala.

S A R G A III

SUKERTA TATA PAERAMAN

Palet 1

INDIK KERAMA

Pawos 5

- (1). Sane kabawos kerama desa inggih punika sahananing kulawar sa sane ma Agama Hindu, sampun aleki rabi, tur sampun tedun mekerama banjar, ngamong karang wiadin tan ngamong karang, nyungsung Kahyangan Desa, tur setinut ring daging-awig - awig Desa Adat Pesinggahan.
- (2). Sejaba punika sinanggeh tamiyu, utami petugas guru wisesa sane saking jaba desa utawi jaba kuta.
- (3). Sang mawed saking desa adat Pesinggahan, sakewanten magenah ring jaba desa wiadin ring jaba kuta melarepan antuk ngarereh pangupa jiwa, patut mekerama desa, sakewanten - swadharmanya patut naur jinah pemelagaan akehnya manut perareman.
- (4). Riwekas yan ipun mekayun budal pocang ngewangun karya ala wiadin ayu, punika kadadosang.
- (5). Riwekas yan ipan jaga budal jumenek, patut nganutin mekerama banjar wiadin desa, kerame inucap tan keni pamogpog.
- (6). Yan tan manut sekadi kecaping ring ajeng, riwekas yan ipun mewali budal, melih jaga nganutin mekerama banjar utawi desa, sang asapunika kepatutang keni danda akehnya manut perareman, saha nunas iwang ring sangkepan banjar - wiadin desa.

Pawos 6.

Yan wenten sinalih tunggil kerama desa sane transmigrasi,
punika.....

punika kepatutang sampun wusun makerama banjar utawi desa, mi-
nakadi petilarnya sangkaning rayahu. Sakewanten yan maduwe -
utang ring banjar utawi ring desa, patut katawur dumun.
Riwekas yan ipun budal sangkaning patut, ipun wenang katerima-
ring banjar wiyadin desa, nanging kepatutang nawur pamogpog -
akehnya manut perareman.

Pawos 7

- (1). Yan wenten wong jaba desa utawi kuta, madunungan ring sa-
wewengkoning Desa Adat Pesinggahan, sang kadunungan patut
masadok ring kelihan banjar utawi desa, tur wong punika -
kesarengang. Sakewanten wates dados madunungan wentah ti-
gang rahina.
- (2). Yan lintang ring tigang rahina, wong inucap patut naur ji-
nah panukun pewangunan akehnya nganutin perareman banjar
utawi desa. Siwos ring punika taler dados tedun mekerama-
banjar wiyadin desa, sakewanten pateh Agamanya.
- (3). Sang kadunungan yan tan pesadok wenang keni danda akehnya
manut perareman.

Pawos 8

- (1). Yan wenten sinalih tunggil kerama banjar wiyadin desa pa-
cang matimbang karang desa patut masadok ring kelihan -
banjar utawi desa. Wigunan pesadok punika, pacang ketam-
biyakang ring kerama banjar wiyadin desa, sang sapa sira
pacang mapikayun nimbali kawentenannyane, yan sampun pateh
Agamanyane.
- (2). Yan wenten saking jaba desa wiyadin jaba kuta, sakewanten
pateh agamanya nimbali tanah pekarangan desa, patut ngeran-
jangan jinah tur jinah punika kaepah dados kekalih, sate-
nge ngeranjing ring banjar, satenge ring desa. Jinah puni-
ka mawasta jinah panukun bebawos, tur patut tedun makera-
ma banjar wiyadin makerama desa.

Pawos 9

Tategenan kerama banjar wiyadin desa sekadi ring sor :

a. Kerama banjar wiyadin desa ngarep patut keni ayah-ayahan mi-
wah peson - peson.

b. Sekeha.....

- b. Sekeha gong luput ayahan desa sakewanten nyanggra sahanan -
languan sajeroning upacara Agama.
- c. Hansip luput ayahan desa sakewanten yogia nyanggra ketrepti
an desa utawi pengersan sang Ngawiwenang (Guru Wisesa).
- d. Kerama unggu patut medal patas asibak.

Pawos 10

Malih yen wenten ikerama banjar wiyadin desa maduwe oka lanang
lintang ring adiri, riwekas yan sampun okane pinih rihin alaki
rabi, wenang nyundulang reramanya.

Pawos 11

- (1). Panemaya tingkahing sane wawu tedun mekerama banjar wiyadin desa, patut naur jinah panukun pipil, akehnya manut -
perareman.
- (2). Yan wenten wong sakeng jaba desa wiyadin jaba kuta sane wawu tedun mekerama banjar wiyadin desa, patut naur jinah panukun pipil miwah pamogpog, akehnya manut perareman.

Pawos 12

- (1). Yan wenten sinalih tunggil kerama banjar wiyadin desa pang wusan mekerama banjar wiyadin desa sangkaning rahayu utawi tan rahayu, patih tan polih eduman kasugian miwah -
pepayon, nanging yan maduwe utang patut katawur dumun.
- (2). Riwekas yan malih mawali tedun mekerama banjar wiyadin -
desa sane wusan sangkaning tan rahayu, patut keni pamiden
da manut pasuara.

Pawos 13

Puniki tingkahing sane kepatutang sampun dados tedun ngayahang
banjar wiyadin desa luire :

- a. Sampun alaki rabi.
- b. Sampun deha lan taruna luire :
 - 1. Sane deha sampun mayusa 16 warsa.
 - 2. Sane taruna sampun mayusa 17 warsa.

Pawos 14

Indik Sekeha Gong.

- a. Sekeha gong Desa Adat Pesinggahan kasudi olih kerama banjar wiyadin desa.
- b. Sekeha.....

INDIE PRAJURU DESA

Pawos 18

- (1). Desa Adat Pesinggahan kapidabdabin tur kaenter antuk Kelihan Desa.
- (2). Banjar kapidabdabin tur kaenter antuk Kelihan Banjar.

Pawos 19

Geguat ngadegang Kelihan Banjar utawi Desa :

- a. Mawiwit saking Desa utawi Bebanjaran.
- b. Kaadegang melarapan antuk sasaudian kerama.
- c. Maduluran Dewa Saksi ring Pura Bale Agung utawi ring penyungsungan Pura Banjar.
- d. Sampun tedun makrama banjar wiyadin desa.
- (e) Sane sampun dados kelihan banjar wiyadin kelihan gong miwah sane siwosan tan dados kasudi malih.

Pawos 20

Swadharma miwah sengker dados kelihan banjar wiyadin desa :

- a. Ngawit saking kasudi olih kerama banjar wiyadin desa mewaneng 5 warsa.
- (b) Sajawining wenten perindikan siwos tur kasudi malih.
- c. Patut ngenterang wiyadin nuntan ikerama banjar utawi desa, minakadi pamargi ala lan ayu.
- d. Ngentering pamargin awig - awig miwah perareman banjar wiyadin desa.
- e. Pinaka duta banjar wiyadin desa pacang ngewentenang bebawos-ring sapasire ugi.
- f. Mawosin arep wicara warga desa wiyadin banjar.
- g. Perade prajuru desa iwang sesanannya miwah ngelinyokin duwen banjar wiyadin desa tur praside kabuktiyang kaiwangannya antuk ikerama, patut keni pamidanda nikel ring pamidanda ikerama siwosan, naha kengis kausanang dados kelihan banjar utawi desa manut perareman.

Pawos 21

Kelihan desa kasanggro antuk :

- a. Petajuh utawi pangliman pinaka wakilnyane.
- b. Penyarikan pinaka juru surat.
- c. Petengen pinaka ngamong duwen desa.
- d. Kasinoman...

- d. Kasinoman pinaka juru arah.
- e. Sajeroning ngenterang kasukertan niskala, Kelihan Desa patut taler kesanggra olih pemangku Kahyangan Desa, saha jero mangku istri lan prajuru istri.

Pawos 22

Ring banjar - banjar utawi Pura patut maduwe saya arah lan saya balung (luput).

Swadharmaning saya arah :

- a. Ngemargiang saluwiring arah - arah, sane kapituduh saking - Kelihan Banjar nyane soang - soang.
- b. Luput sehananing karya.
- c. Ngamedalang banten cane ring sangkepan utawi paruman.
- d. Saya arah rikala ngemargiang arah - arah, yan sang kaarahin utawi kulawarga nyane sane patut kaarahin tan wenten ring - jeron nyane, sang mapengarah wenang ngenahang sawen, maka - cihna sampun ngerauhang arah - arah.
- e. Saya arah rikala ngemargiang arah - arah, kengin mapituduh-ring anak sane sampun mayusa 14 warsa.
- f. Wewanengan dados saya wantah 5 warsa dados kasudi malih.

Swadharmaning saya balung (luput) :

- a. Mabersih - bersih ring Pura, banjar wiyadin desa.
- b. Nyanggra sehananing panelas toya, rikala kawentenang karya upacara agama.
- c. Polih becenengan sane mawasta towas.
- d. Wewanengan dados saya balung (luput) wantah 5 warsa, nanging dados kasudi malih.

Pawos 23

Petias olih - olihan prajuru desa wiyadin banjar luire :

- a. Tan keni saluwiring pepohon.
- b. Polih towas manut dresta.
- c. Polih upon pecatu pelaba tegal.
- d. Polih olih - olihan sane siwosan manut perareman.

Pawos 24

Prajuru desa wiyadin banjar kagentosin majalaran antuk :

- a. Seda wiyadin lampus.

b. Sampun.....

- b. Sampun tutug sengker.
- c. Tan sida ngemargiang swadharmanyane upami : sungkan tahunan utawi kapialang abot sane siwosan.
- d. Sangkaning pinunas ngeraga majalaran antuk kayun rahayu.
- e. Kenorayang dwaning iwang pemargi utawi nilar sesana.
- f. Ngenorayang utawi ngentosin prajuru desa wiyadin banjar patut sajeroning paruman tur kaingkupin antuk kerama banjar - wiyadin desa.

Palet 3

INDIK KULKUL

Pawos 25

(1). Bacakan kulkul ring desa luire :

- a. Kulkul desa.
- b. Kulkul banjar.
- c. Kulkul sekeha gong.
- d. Kulkul ring Pura, paibon, Dadia.
- e. Kulkul Subak/Pekaseh.
- f. Kulkul Sekeha - sekeha.
- g. Kulkul ring soang - soang pauman.

(2). Pemargi sane patut kacihnayang antuk suaran kulkul luire:

- a. Sangkep wiyadin-parum miwah makarya saluwiring karya.
- b. Ngaturang piodal wiyadin pujawali ngantos ngaluarang ..
Ida Betara pacang masineb.
- c. Pawiwahan, seda utawi lampus ring banjar nyane marep.
- d. Wenten kepancabaya.
- e. Kulkul ring soang - soang paumahan rikala wenten keni-
kapancabaya.

Pawos 26

Indik tatepakatan kulkul luire :

- a. Tedun makarya, sangkapan wiyadin parum suaranya kalih tuludan sedeng.
- b. Wiwaha, merangkat wiyadin ngerorod tigang klentungan sada - alon. Kulkul tatenger rangkat punika kasuarayang kala wengi.
- c. Seda wiyadin lampus atuludan alon.
- d. Wenten kapancabaya, atuludan bulus.
- e. Ring soang - soang paumahan manut perareman.

Pawos 27.....

Pawos 27

- (1). Kulkul sami sane wenten ring banjar wiyadin desa patut ka suarayang olih kelihan, utawi sang kapituduh, panepake manut tetujon nyane.
- (2). Yen tan pesadok ring kelihan indik sang sane nyuarayang - patut keni danda manut perareman, sajawining wenten kapan cabaya.
- (3). Kulkul sekeha, pondoken, paumahan tan kalugra matchin tatengeran kulkul desa wiyadin banjar, sajawaning wenten - kapancabaya, perade memurud kedanda manut perareman.

Palet 4

INDIK PARUMAN LAN SANGKEPAN

Pawos 28

Paruman utawi sangkepan ring banjar wiyadin desa wenten :

- a. Sangkep utawi parum ring desa wiyadin banjar kawentening :
 1. Nyabran ngesasih, tanpa arah - arah dwaning sampun tetep panemaya manut sangkepan desa wiyadin banjar soang-soang kebawos sangkep.
 2. Majalaran antuk arah - arah manut tetujon kebawos parum.
- b. Sangkepan prajuru desa, kawentenang manut wigunannya.
- c. Paruman sekeha - sekeha manut wigunannya.
- d. Sane tan raur sangkep patut keni danda manut perareman.
- e. Rikala sangkep patut naur dedosan wiyadin jinah peputran - lan pepeson sane siwosan.
- f. Perade ikerama banjar utawi desa tan naanin sangkep narug - ping tiga, wenang kabawosin antuk kelihan banjar wiyadin - desa tur patut katiwakan danda manut perareman.

Pawos 29

Dudonan sangkepan wiyadin paruman banjar utawi desa sekadi - ring sor :

- a. Malarepan antuk suaran kulkul.
- b. Sampun katedunin antuk satenga langkung saking kerama sane patut ngamiletin.
- c. Patut mabusana nyamlempot, saha tan kadadosang makta gega - wan saka luiire ; taler tan dados makta ayam rikala sangkepan utawi paruman jagi kalaksanayang.

- d. Ngastiti ring Ida Bhagawan Penyarikan maka sarana antuk banten cane.
- e. Ritatkala ngamargiang nyacak ring paruman utawi sangkepan banjar wiyadin desa ikerama banjar utawi desa patut maling gih, yan durung wusan ikelihan nyacak tan dados ikerama me tangi.
- f. Tan kalugra ngawetuaken suara gora wiyadin biyuta, yan hana mangkana patut keni danda manut perareman.
- g. Indik pamutus paruman wiyadin sangkepan bebawose mangda gilik saguluk, punika kemanggehang, nanging yan wenten pakse tungkas, punika kaputus antuk pasuara sane akehan.
- h. Pamutus punika patut kasungkemin antuk ikerama banjar utawi desa tur wenang anggen uger - uger ring banjar wiyadin desa.
- i. Perade"tan sida memangguh pamutus mangda prajuru desa ngilikang bebawos, saha putusannya mangda keraremin antuk kerama banjar wiyadin desa, yang jantos ping tiga tan prasida kasungkemin, prajuru desa wenang nunas bebawos ring sang ngawiwenang utawi Guru Wisesa.

Pawos 30

- (1). Kelihan desa wiyadin banjar patut nambiyakang pemargin ngenterang desa ring sajeroning sangkepan utawi paruman-banjar utawi desa, pamekas indik :
 - a. Munjuk lungsuring pekaraman saha ayah - ayahan, sulur arta berana, drawen desa miwah sane siwosan.
 - b. Parencana prajuru desa indik usaha desa kapungkur.
- (2). Pamutus sangkepan wiyadin paruman desa sinanggeh perarem maka pamitegep pamargin awig - awig.

Pawos 31

- (1). Sangkepan prajuru desa wenang wantah ngerincikang, ngerencanayang usaha desa kapungkur.
- (2). Sangkepan prajuru desa tan wenang ngamedalang tetegenan-ring kerama sedereng kaingkupin antuk kerama banjar wiyadin desa.
- (3). Pamutus sangkepan prajuru desa ngawetuang pasuara, maka pidaging pituduh sang ngawiwenang utawi ngonekang pecak-perarem kerama banjar lan desa.

palet 5.....

INDIK DRUWEN DESA

Pawos 32

Sane kasinanggeh druwen desa sekadi ring sor :

- a. Sehananing pelinggih pura rauhing wewangunnya.
 1. Pura Kahyangan Tiga.
 2. Pura Pasar lan Pura Balangtamak.
- b. Genah wantilan desa rauh ring wewangunan lan telajakannya.
- c. Gong abarung sajangkep.
- d. Genah banjar rauh ring wewangunan lan telajakannya.
- e. Tanah pekarangan utawi PKD.
- f. Pelaba Pura Tegal malinggah 250,5 are.
- g. Tanah setra.
- h. LPD (Lembaga Perkreditan Desa).

Pawos 33

Piolih - olihan Desa Adat Pesinggahan luire :

- a. Saking Pelaba Pura.
- b. Urunan kerama desa wiyadin banjar.
- c. Paica saking Guru Wisesa.
- d. Paica - paica sane siwosan sane patut.
- e. Usaha - usaha sahe siwosan.

Pawos 34

- (1). Prajuru desa wenang ngetangang pamupon pelaba Pura lan - sapenunggalan druwen desa.
- (2). Pakolih lan pamuponnya kaanggen prabeya pujawali saha wewangunan ring pura utawi ring desa.
- (3). Nyabran sangkepan desa, prajuru desa patut nguningang perindikan munjuklungsuring druwen desa.
- (4). Soluwiring druwen desa wiyadin banjar patut wenten iliki tannya.
- (5). Tan kalugra ngadol utawi ngesahang druwen desa wiyadin - banjar yan tan kasungkemin antuk kerama desa utawi banjar.

Pawos 35

Indik pamiara setra.:

a. Setra.....

- a. Setra patut kapiara utawi kebersihin satunggil 6 sasih (Re dite kliwon wuku sungsang).
- b. Mendem ring setra tan kapatutang makarya gegumuk semen wiyadin bebetonan.

Palet 6

SUKERTA PAMITEGEP

Kaping 1

KARANG, TEGAL LAN CARIK

Pawos 36

- (1). Tanah pekarangan desa utawi tanah paumahan patut kaayah-ang utawi makerama desa.
- (2). Sehananing karang, tegal lan carik sane wenten ring saje bag desa patut :
 - a. Wenten wates ipun.
 - b. Mopemedal karurung utawi kemargine, tan dados kabebeng
 - c. Patut kewehin sombah wiyadin penguus toya.
 - d. Sehananing karang, tegal lan carik kepatutang mangdene mawiguna marep sang nuwenang saha tan ngawinang ka dukitan marep ring anak siwosan.
- (3). Wates sisi kaler, kangin tur sane namping rurung patut - kakaryanin antuk sang ngamong karang ayahan inucap.
- (4). Perade wenten pegahan utawi turus inucap ngelikadin, yan pada arsa penyondinge, kengin watese nganggen pinget sa- kewantan patut kasaksinin antuk prajuru utawi pal saking Guru Wisesa.
- (5). Yan pacang mekarya jempeng, kandang wewalungan miwah ge- nah jejemuhan busana tan wenang nampek ring paryangan, Pura, merajan : cembangne mangde adepa agung saking wates wiyadin tembok.

Pawos 37

- (1). Kerama desa wiyadin banjar tan kalugra :
 - a. Ngelahlah margi utawi rurung, tegal, carik, karang de sa lan sapenunggalannya.
 - b. Ngelahlah tanah linggih Kayangan, setra lan sekancan- tegak sinanggeh suci.
- (2). Perade....

- (2). Perade wenten kerama desa utawi banjar melaksana kadi ring ajeng patut keni danda luiire :
 - a. Ngewaliang tanah sano kalahleh.
 - b. Ngewaliang prebeya ngewehin prebeya sekadi patut turkadulurin antuk upacara ring pengelahleh tanah suci.
- (3). Telajikan karang patut kapiara olih sang ngamong karang-inucap.

Kaping 4

P E P A Y O N A N

Pawos 38

- (1). Ngawit nandur pepayonan tanem tuwuh patut adepa agung em bangne saking wates, perade jantos ngelintang wates we - nang kasipat gantungin.
- (2). Yening wenten tetanduran ngungkulin, semaliha mawastu - mayanin kapisaga patut kewara antuk paigum, ping ejeng - prasida sang nuwenang wit ngerebah utawi notor.
- (3). Perade sampun kewara taler tan wenten usaha sang nuwenang tetanduran punika, patut sang sane kaungkulin masadok ring prajuru desa, tur risampune kaparitatas kalugra kaicalang wit inucap, sakewanten wangke pepayone punika - patut kaicen sang nuwenang.
- (4). Sang keni pamidanda upacara saha prabeya arep ring wewangunan sang karubukin luiire :
 - a. Sang nuwenang tetanduran, perade wenten pungkut ngerubuhin wewangunan kerama siwosan.
 - b. Sang notor, mungguh utawi ngebah taru tur ngerubuhin wewangunan kerama siwosan.
- (5). Perade wenten tetanduran entikan ipun ngelimbak utawi - ngelintang genih siwosan patut kateban olih sang maduwekarang, tegal lan carik sane kaungsi olih entikan punika.
- (6). Kerama desa patut ngemanggehang kewerdiyan tanem tuwuh - sane ngawinang desane asri tur lestari.
- (7). Tan dados ngerereh utawi ngilit saang, busung ring tegal wiyadin carik anak siwosan, yan wenten mamurug patut keni danda manut peraroman.
- (8). Sehananing tetanduran sane wenten ring sajabag margi desa adat Pesinggahan kaduwenang antuk desa.

Kaping 3

W E W A N G U N A N

Pawos 39

Wewangunan patut :

- a. Ngangge asta bumi miwah gegulak asta kosala - kosali, sanig
cana manut ring petitis niskala lan manut dresta.
- b. Tan dados nyapeap kapekarangan pisaga.
- c. Perade wenten nyapeapain utawi nyayubin, risampune kasado-
kang ring prajuru nenten kolaksanayang manut pawos 39 hu-
ruf b, patut keni danda manut perareman.
- d. Perade wewangunanme ngelintang wates patut ngewentenang -
paigum tur kesaksinin olih prajuru. Yan mamurug perade ri-
wekas kewara antuk penyandingnia patut wewangunan inucap -
kabubar sanistana patut kekaryanang abangan.

Pawos 40

- (1). Yening pacang mekarya rurung, linggah ipun patut luire :
adepa agung, adepa belah, adepa.
- (2). Linggah rurung inucap ring ajeng, manut ring perareman -
sang pacang ngangge rurung punika marep ring sang maduwo
tanah sane pacang kaanggen rurung.
- (3). Tan kepatutang ngenahan barang padruwen ring margi utawi
rurung sajabag desa lintang ring arahina.
- (4). Sekancan margi sane wenten ring sajabag desa patut polih
pamiara keasrian utawi gotong royong saking kerama ban -
jar wiyadin desa.
- (5). Tan kedadosang ngawententang wewangunan sajeroning kaku -
wub margi.
- (6). Yan wenten pepayonan utawi tetanduran sane naonin margi
wiyadin rurung sane sinanggeh pacang ngerauhang bayu wi-
yadin ngelikadin pemargi patut pepayon utawi tetanduran
punika kasipat gantung, sane ngelintang kateteb wiyadin-
katotor.

Kaping 4

W E W A L U N G A N

Pawos 41

- (1). Sekancan.....

- (1). Sekanean warga desa sane mamiara wewalungan patut sayaganitonin wewalungannya upami : negul, ngelogor mangda tan ngarusakin karang utawi pabiyanan muwah carik kerama siwasan, napi malih nyantos ngeletehin kahyangan.
- (2). Yan wenten wewalungan malumbar utawi galak nyantos ngerusakin karang utawi pabiyanan risampune kaplungguhang, malih kewara kengin kataban kasadokin ring prajuru. Sang nuwenang patut keni pamidanda manut perareman tur naur panuku sane karusak.
- (3). Yan jantos ngeletehing genah cusi, minakadi Kahyangan desa, merajan utawi sanggah, risampune kaparitatas olih prajuru, sang nuwenang patut keni danda tur saha ngupakara - Kahyangan inucap manut purana.
- (4). Tan kadadosang ngangonang wiyadin negulang wewalungan - ring genah - genah sekadi ring sor :
 - a. Kahyangan utawi Pura rauhing telajakannya.
 - b. Pekarangan wewangunan banjar wiyadin desa.
 - c. Margi agung muah rurung ring desa.
 - d. Pekarangan desa rauhing telajakannya.
 - e. Setra.
 - f. Lapangan.
- (5). Kerama desa patut nyanggra wewalungan miwah sarwa perantitan kedadosang macem-mang paksi muah nuba ulam muwah sane siwosan sajawaning anggen upacara agama.
- (6). Yan tan satinut manut kecaping ajeng patut keni danda manut perareman.

Kaping 5

B H A Y A

Pawos 42

- (1). Sekanean laksana tan rahayu sane ngawinang pakobet, dukkit ring jadma utawi kerama banjar wiyadin desa kasinang - geh bhaya. Jadma utawi sang sane ngawinang bhaya kasi - nanggeh dusta.
- (2). Bacakan Bhaya luire :
 - a. Jiwa bhaya : kaamuk.
 - b. Artha bhaya : kemelingen wiyadin kapandungan.
 - c. Raga bhaya : kaplegandang wiyadin kapaksa.
 - d. Geni bhaya.....

- d. Geni bhaya : Puun.
- e. Dura cara ring agama.

Pawos 43

- (1). Sakancan warga desa sane katiba bhaya yogia atur upeksa - ring prajuru utawi sane ngawiwenang mawosin.
- (2). Sekancan warga desa sane uning wenten bhaya, jadma melaksa na dusta mayanin patut digelis atur supeksa ring prajuru - wiyadin Guru Wisesa.
- (3). Yan wenten manggihin jiwa bhaya wenang digelis nyuarang - kulkul bulus manut pawos 26 huruf d, tur masadok ring prajuru utawi kengin nunas tulung ring sang ngawiwenang.
- (4). Sekancan warga desa utawi banjar sayaga mapitulung saba - makta gegawan manut kawentenana bhaya punika, tur patut nge rombo sang katiban bhaya manut dukkitannyane, sih dane miwah siwosan mangda sang kaduhkitan preside polih katulungan.
- (5). Yan ring desa kahanan jiwa bhaya, patut desane ngaturang - bhuta yadnya utawi mecaru tur sang mayanin katur ring Guru Wisesa.

Pawos 44

- (1). Yan wenten anak manggihin kahanan artha bhaya (kemalingan), patut nyuarayang kulkul mapitulung manut pawos 26 huruf d, utawi sang kemalingan masadok ring prajuru wiyadin Guru Wisesa.
- (2). Yan wenten jadma ngerereh reramon, mikadi daun kelapa, ron tan pesadok ring sang nuwenang, perade kacunduk utawi kata ra patut keni danda sekadi dandaning maling.
- (3). Yan pacang masaserap wiyadin ngeledah ritatkala kemalingan utawi artha bhaya, patut nunas panguak dumun ring prajuru.
- (4). Perade wenten duwen desa sane ical, sang sane kabuktiyang-memandung utawi memaling patut keni danda manut perareman-saba ngewaliang pemandungan inucap, nanging yan tan wenten ngangken ngambil patut ngawentenang padewasaksian, sajawining Pamangku Kahyangan Tiga.

Kaping 6

PENYANGGRAN BANJAR

Pawos 45

Ritatkala kerama desa ngawentenan karya ala ayu, patut kasang-
gra olih banjar wiyadin desa luire :

- a. Perade ngewangun Pitra Yadnya utawi Manusa Yadnya, manut pi-
nunas sang meyadnya.
- b. Pangerombo utawi karya gotong royong kerama jantos ping ti-
ga suaran kulkul, selangkungan punika patut katurang penya-
ngu.
- c. Rikala kerama banjar utawi desa mapitulung ring sang maduwe
karya pesajine sesidan - sidan.

SARGA IV

SUKERTHA TATA AGAMA

Palet 1

INDIK DEWA YADNYA

Pawos 46

- (1). Pelinggih penyiwaan wewidangan desa adat Pesinggahan lui-
re :
 - a. Pura Sad Kahyangan Goa Lawah.
 - b. Pura Pucaksari.
 - c. Pura Kahyangan Tiga mekadi : Pura Bale Agung, Pura Da-
lem, Pura Puseh, Prajapati (Ulun Setra).
 - d. Pura Pasar.
 - e. Pura Balangtamak.
 - f. Pura Paibon wiyadin Dadia.
- (2). Rahine piodalan soang - soang Kahyangan inucap, kadi ring
sor :
 - a. Pura Sad Kahyangan Goa Lawah rikala Anggara Kliwon Me -
dangsia.
 - b. Pura Pucaksari rikala Anggara Kliwon Medangsia.
 - c. Pura Puseh rikala Sukra Paing Dungulan.
 - d. Pura Bale Agung rikala Sukra Paing Dungulan/Purnama ke
dasa.
 - e. Pura Dalem, Prajapati rikala Saniscara Kliwon Kuningan
 - f. Pura Balangtamak rikala Saniscara Kliwon Kuningan.
 - g. Pura Pasar rikala Saniscara Kliwon Kuningan.
- (3). Pengaci ring Pura inucap manut kecap sastra agama, saha -
kalaksanayang kanista, media, utama manut kawentenan lan
perareman.
- (4). Aci.....

(4). Aci Pangusabaen :

- a. Ring Pura Bale Agung muwah Pura Puseh, rikala purnama - kedasa sane mawasta Ngusaba Nini.
- b. Soang - soang kulawargawiyadin pawon patut ngaturang da na beras agantang.
- c. Carik wit tenah keni beras agantang.
- d. Salaran kelapa, kubu penasikan.
- e. Ngemargiang rerampagan luire : ron, busung, selepahan, pisang, tiying, ayam miwah sane siwosan, ring tegal wiyadin ring pekarangan.
- f. Rerampagan inucap kemargiang sajabag desa adat Pesinggahan.

Pawos 47

Ring soang - soang Pura inucap patut wenten pemangku.

(1). Wiwitannia ngadegang pemangku :

- a. Saking turunan utawi ngewaris.
- b. Nyanyan utawi nunas bawos ring natar Pura.
- c. Sasudian.

Tan wenang dados pemangku luire :

- a. Gedangga luire : Peceng, perot, cungh lan sapenunggalania.
- b. Sakit ila, ayan, buduh wiyadin edan,
- c. Sane madrebe kabucian urip tan becik (amungpang para - hing laku).

Prebaya kapemangkuan :

- a. Kelaksanayang antuk sang ngadegang, mekadi keramo desa, utawi pengempon Pura soang - soang tur kapuputang olih Ida Sang Sulinggih.
- b. Pamitra yadnyan Pemangku Kahyangan Desa kessanggara manut pah-paha kecaping sor :
Pemangku Pura Dalem olih Banjar Kawan.
Pemangku Puseh olih Banjar/Dusun Timbul.
Pemangku Pura Balu Agung olih banjar/Dusun Kanginan.

(2). Pemangku patut ngemanggehang sesananing pemangku, tur tangalempasin linggih sastra agama.

Pawos 48

Swadharmaning pemangku :

- a. Asewaka dharma astiti bakti ring Ida Sanghyang Widhi.

- b. Ngenterang wiyadin ngastawayang sakancan upacara ring Pura-kalih yadnya sane siwosan.
- c. Ngelaksanayang sane mabuat suci ring Pura kalaning nedunang utawi ngelinggihang Ida Betara.
- d. Ngaturang pasucian rikala purnama tilem, kajeng kliwon lan pererainan Ida.
- e. Pemangku desa utawi Sad Kahyangan wenang nyiratin tirta ring kerama desa yening sampun polih wak-wakan.
- f. Rikala ngenter yadnya ring Pura Desa pemangku inucap patut-karombo olih pemangku desa utawi pemangku Sad Kahyangan.
- g. Perade pemangku sane arep keni kapialang jantos tan presida ngemargiang upacara ring Pura, patut kemargiang olih pemangku desa sane siwosan utawi nuur Ida Sang Sulinggih.
- h. Yan wenten pemangku keni ujar ala, ulah ala pemangku inucap patut kaprayascita manut agama tur sang maweh ujar wiyadin-ala lan ulah ala patut keni danda manut perareman.
- i. Yan sampun kabuktiyang amungpang paraning laku, nyasar ring sesanan pemangku, pemangku inucap tan dados kasepuh malih.

Petias wiyadin olih - olihan pemangku :

- a. Sarin canang manut perareman.
- b. Upon laba manut perareman.
- c. Aturan ikerama manut perareman.
- d. Luput pekaryan lan peson - peson manut perareman.

Pawos 50

- (1). Sehananing aturan wiyadin sesangi, aturan sesari, arta mule-mule miwah sakeluwirnis patut kadruwenang antuk Pura inucap.
- (2) Sehananing sang maturan ring Pura inucap patut mesadok ring Kelihan desa utawi Pemangku inucap, wus keastawayang olih - pemangku aturan inucap patut kaungguhang ilikite, tur kauningang ring kerama desa.

Pawos 51

- (1). Pemangku kagentosin rintukan :
 - a. Seda wiyadin lampus.
 - b. Pinunas ngeraga, sepuh utawi sungkan - sungkanan.
 - c. Kausangan antuk kerama desa menawi melaksana tan patut-utawi asta dusta.

(2). Perade.....

- (2). Perade Pemangku kausanang sangkaning melaksane asta dusta, patut keni danda manut perareman, saha ngewaliang - prebaya pawintenan nyane riin.
- (3). Perade wenten pemangku malih ngalap rabi sangkaning raha yu, pemangku inucep patut nyepuhin raga.

Pawos 52

- (1). Kasukertan Kahyangan kadi ring sor :
- (1). Soang - soang kerama patut nureksain raga mangde kasuker tan Kahyangan polih kasucian.
- (2). Tan kalugra ngeranjing ring Pura luiire :
 - a. Sang kasinanggeh cunteka wiyadin sebel.
 - b. Sato ageng suku pat sajawining rikala mapepada.
 - c. Sang kasinanggeh patita sadurung kaperascita.
 - d. Mabusana sane tan patut tata susila agama.
 - e. Sang sane makta babuat sane kasinanggeh leteh manut - agama.
 - f. Sakancan sane tan kapetutang manut perareman.
- (3). g. Sane kasinanggeh patita luiir ipun :
 - a. Anak babinjat, beling nenten wenten ngangkenin, jadma buduh.
 - b. Memitra ngalang, sakit ila.
- (4). Sahananing pari tingkah lan laksana sane tan dados ring-Pura :
 - a. Masumpah utawi n'p'ap cor, sajawining pituduh saking - prajuru.
 - b. Maujar ala, maulah ala, wakparusya.
 - c. Mecikang wastra, mecikang pusung muwah sane liyanan.
 - d. Mekabotan, mewarih, mebacin, sirep swor asiki lanang-istri, macecepin rare wiyadin pinak elit, nyangsang - busana.
 - e. Mangan kinum sane makawinan katoluhan wiyadin punyah.
- (5). Yan wenten mamurug kecaping ajeng, keni pamidanda pemra-yascita sepatutnya.
- (6). Yan Kahyangan inucap ring ajeng keni kadurmanggalan lui-re : Panca Karubuhan, kahananan wangke sato ageng, wang-kening manusa, sekancan lulut lan simbar, patut pemangku digelis nyadokang ring prajuru mangda maumang kerama de-sa, pacang ngawentenang pangupakara sepatutnya, manut pa-nugrahan Ida Sang Sulinggih.

- (7). Yan wenten jadma kerauhan, wiyadin kasurupan ring Pura - patut digelis kapintonin, perade rumasa kasumangsayan, yan tan wiyakti kerauhan jadma inucap patut keni danda - manut perareman.

Pawos 53

- (1). Tata kerama sajeroning muspa wiyadin maturan ring Pura - yening sampun sametone jagi muspa patut sane rauh pungk-
ran nyantosang inginan pamuspane riinan puput, tur jero-
mangku tan kepatutanng ngaturang aturan sene wawu rauh,
sapunika taler yan sampun rihihinon sane matuwah, sane pa-
cang muspa patut nyantos sawusan jero mangku ngaturang -
canang.
- (2). Yan pacang ngewentenan ileh-ilen ring pura tan kadados -
sang nyolahang ileh-ilen mekadi : pencak, Film muwah jo-
ged.
- (3). Sawusan ngaturan bakti wiyadin muspa ten kalugra motengi
yan durung wenten pangandika saking prajuru/pemangku, pe-
rade wenten mamurug patut keni danda manut perareman.

Palet 2

INDIK RESI YADNYA

Pawos 54

- (1). Sang pacang mapodgala utawi madwijati patut masadok ring
prajuru kalih Parisada Hindu Dharma Indonesia miwah Kan-
tor Agama.
- (2). Prajuru patut nitenin utawi nureksain mungguing kawenten
nyane, angga lan laksana sang pacang mapodgala mangda ja-
ti tan lempas ring kecaping agama.
- (3). Perade lempas ring kecaping agama iprajuru wenang ten
ngeraremin.
- (4). Risampune puput upakaranis tur sang rumaga nabe sampun ma-
paica parab, iprajuru patut ngawedar indik lan pemargin
sang putus madwijati.

Pawos 55

Ida sang putus sane kaadegang pinaka siwa (Guru loka Palasra-
ya) antuk desa patut kadi ring sor :

a. Upacara....

- a. Upacara padiksan lan pretiwan Ida riwekas kelaksana -
yang antuk ikerama.
- b. Pinaka penuntun ikerama desa ring indik tatwa lan upa-
cara.
- c. Muputang upacara ring Kahyangan utawi ring kerama de-
sa.
- d. Patut matiwak pengeskara pemrayascita.
- e. Ida patut katurang Resi Bojana.
- f. Tan patut muputang upacara yadnya sane kanton sejero-
ning wicara.

Pawos 56

- (1). Prajuru patut nuntun ikerama desa mangda makukuhang ling-
gih sang Wiku, para pemangku lan sujana sami manut ling-
gih nyane.
- (2). Ritatkala Ida Sang Sulinggih maduwe karya, patut ngatur-
ang punia ring Ida.

Pawos 57

- (1). Kerama desa patut katuntun olih iprajuru indik sane pa-
tut muput yadnya;
 - a. Mangda yadnya sane kalaksanayang patut padodon-dudon-
an, tur manut kecaping agama.
 - b. Mangda tan nyasar laku, tan manut ring swadharma ka-
lih sesenannin.
- (2). Perade wenten sekadi ring ajeng, napi malih nyasar laku
madasar tri premena, pemangku, pinandita utawi nabenia -
patut katunasin pamutus sane patut.
- (3). Tetiwak sang nabe sampun kakukuhang olih sang angawerat
pinaka pamutus sane pinih pastika.

"

Palet 3

INDIK PITRA YADNYA

Pawos 58

- (1). Sehanan upacara pamreteka sang lampus/seda kabawos Pitra
Yadnya mekadi : meresihin sawa, mendem, ngeseng sawa -
(atiwa-tiwa) kelanturang antuk ngeroras, rauh ngelingsih
ang ring Pahryangan Dewa.
- (2). Mendem.....

- (2). Mendem sawa utawi ngeseng patut ring setra.
Pemargin mendem : atiwa-tiwa ngenutin paetangan desa,
kala patre.

Pawos 59

- (1). Perade lampus sangkaning salah pati, ulah pati utawi si-
wosan kengin kebakta budal, upakarannia kasanggra antuk
banten pangulap, penebus, pebersihan, wus punika patut -
kapendem sajawining rahina pasah. Nanging yan ulah pati
upacarannia maweweh banten katur ring camkem setra.
- (2). Perade jadmia istri ngadut manik/bobot sane lampus, tan
wenang kapendem utawi kegeseng sedurung bobotannia embas.

Pawos 60

Swadharmaning lan tetegenan kerama tatkala wenten sinalih tung
gil kerama kelampusan/kelayu sekaran ;

- (1). Sang kaduhkitan patut :
- Mesadok ring kelihan banjar tur nunas tetimbang ring
kewentennyane.
 - Memrayascita sajeroning pekarangan, tegal, muang ca -
rik.
- (2). Swadhermaning banjar :
- Kelihan banjar maritatas pemargin sang kaduhkitan, pu
napike pacang kependem, mekingsan rihin utawi lantur
kaabenang.
 - Perade kapendem, Paris nyuarayang kulkul manut pawos-
26 huruf c, antuk kelihan banjar utawi petajuhnyane.
 - Penyanggran banjar selanturnia :
 - Soang-soang kerama banjar ngewedalang patas.
 - Ngerombo ngaryanin pepage rauhing asurupan surya.
 - Kerama banjar sami nganter kesetra jantos puput ma-
pendem.
 - Yening ngemargiang pagebagan indik panyembramane
kaangkat bantas sedah/base.
 - Ritatkala meresihin sawa, ngemargiang sawa kesetra
saha upacarannia tan dados mawig-wigan (magarap-ga-
rapan) miwah wiji sane siwosan, purapimalih ngantos
ngerumuk yadnyan nang kelampusan, yan wenten mamu-
rug patut keni danda manut perareman.

- (3). Tan dados mendem sawa ritatkala rahina pasah.
- (4). Tan kalugra nginepang bangbang.
- (5). Perade wenten kerama kelayu sekaran/lampus ritatkala pigo dalan ring Kahyangan desa, pamarginne mendem mangda sampun puput ngaturang piodolan, utawi kalugra mendem sake-wanten nenten nyuarayang kulkul.

Pawos 61

- (1). Sang kehanan cuntaka luiire :
 - a. Sang maduwe sawa/layon.
 - b. Sedek ngeraja sewala.
 - c. Ngembasang putra utawi keruron.
 - d. Majalaran pawiwahan/pengantenen, miwah cuntaka sane siwosan.
- (2). Sengker cuntaka manut kawentenannia :
 - a. Ngeraja sewala selami ngantos mebersih.
 - b. Ngembasang putra mewaneng 42 rahina, yang sane lanang ukepusan odel.
 - c. Karuron masuwe 42 rahina.
 - d. Sane maduwe sawa/layon ngawit saking mendem sekadi :
 1. Cuntaka bebanjaraan wewaneng 3 rahina ngawit mendem.
 2. Kulawargannia ngantos 11 rahina.
 3. Ritatkala ngambut karya ring Pura Desa sane polih - kapialang (cuntaka wantah sang ngarepin kewannten.
- (3). Sane tan keni cuntaka luiire :
 - a. Ida Sang Sulinggih.
 - b. Pemangku Kahyangan Tiga lan Sad Kahyangan.

Pawos 62

- (1). Pengabenan werthen kalih pawos :
 - a. Ngaben dadatan, bah bangun kadadosang, indik dewasa mangda murus ring Ida Sang Sulinggih.
 - b. Ngaben masa.
- (2). Pengambilan upacara ring ajeng manut kanista, madie, utama saha dresta lan perareman maduluran sastra agama.

Pawos 63

- (1). Pengabenan kelaksanayang antuk :
 - a. Nyawa Resi (Nyuwasta geni), saantukan tan ngagah utawi meriawi sawa tan kekeniang.

- b. Sawa preteka, kelaksanayang antuk ngagah utawi merete ka sawa.
- (2). Dudonan pengabenan luiire :
ngaskara antuk ngagah, ngeseng, ngirim utawi nganyut, nye kah mamukur.

Pawos 64

- Bacakan sawa sane dados kaabenan :
- a. Sane sampun mayusa apupak, sawa sane tan kabawos letch.
 - b. Sane durung ketus/apupak ngawit saking mayusa 3 sasih patut ngelungah.
 - c. Sawa sane kabawos letch kaangkat kabenang riwus tutug seng kernia tur kaprayascitamanut kecaping agama.

Pawos 65

- (1). Patas pengabenan luiire :
 - a. Patas karya wenang nunas ping tiga.
 - b. Patas ungu.
 - c. Patas rateng.
- (2). Perade makarya rompok, ikerama desa patut keni pepeson pepalan/klangсах muang papah jaka.

Pawos 66

Bacakan sane patut dudukung patas luiire :

- a. Sane mawasta saking pulisa temen, nanging magenah tur meke rama desa mekadi : rerama, wayah, kumpi, kelab wareng, kutu buyut wiyadin kurenan, pianak, cucu muwah selanturnia.
- b. Perade rare sakewanten sampun apupak dados kadudukung patas, nanging yan rare durung apupak tan dados dudukung patas.

Pawos 67

- (1). Tingkahing pacang mekarya ngaben, patut masadok ring kelihan banjar utawi desa.
- (2). Yening ngaben wantah apisen kapatutang nuduk patas, yan lintang ring apisen kadadosang ngaben nguren tur tan kasanggra antuk kerama banjar utawi desa.

(3). Yan

- (3). Yan wenten anak siwosan kaabenang ring Desa Adat Peding-
gahan, yadiapin nyarengin kerama marep, patut keni panan-
jung batu lan panukun setra akehnia manut peraremén, tur-
tan polih penyanggra saking kerama banjar utawi desa.

Pawos 68

Pahamaya ngaben dadakan luire :

- a. Patut maradok ring kelihan banjaranyane, pemargin putus pa-
teh sekadi kelampusan.
- b. Pagebagan polih wantah ping tiga, ngawit saking layone me-
bersih.
- c. Ngemargiang patus.

Pawos 69

Fidabdab indik ngewangun Pitra Yadnya luire :

- a. Ngaben masa utawi ngaben dadakan memargi sekadi patut, na-
nging penyanggran ring sang mapitulung wantah kaangkat an-
tuk cenang.
- b. Yan sampun tedun molahan wawu kaangkat katurang wedang,
muwah reruntutannia.
- c. Penyanggran i kerama banjar utawi desa ritatkala ngaben da-
dakan, rikenjekan sawane pacang ke setra, patut nyuarayang
kulkul ring banjaranyane marep.

Palet 4

INDIK MANUSA YADNYA

Pawos 70

- (1). Manusa Yadnya inggih punika upacara dharmaning manusa nga-
wit saking patemining kama petak kalawan kama bang saje-
roning garba utawi waduk ibiyang ngantos lampus riwekas.
- (2). Upacara Manusa Yadnya luire :
Mangedong-gedongan (upacara bobotan mayusa 5 sasih), rare
wawu ombas, kepus odel, ngelepas awon, tutug akambuhan -
(rare mayusa sasasih pitung rahina), rare mayusa tigang -
sasasih, rare mayusa awoton, upacara ngempugin risampune -
tumbuh untu, upacara munggah deha teruna ritatkala ngem-
bakin langane, ngereja sewala wadone, mepandes (metatah)
mawiwaha, mawinten, madwijati.

(3). Upacara.....

- (3). Upacara inucap ring ajeng nganuting kecaping agama, nista, madia, utama taler manut dresta.
- (4). Indik Manusa Yadnya, pemargi pasuka duka tan polih olih-olihan.

Palet 5

INDIK BUTHA YADNYA

Pawos 71

- (1). Butha Yadnya inggih punika sahananing upacara pabeyakalaan ring Ibu Pertiwi lan Kahyangan, sarwa perani muwah ring sarwa butha kala.
- (2). Upacara ring pabeyakala ring sarwa perani luire :
 - a. Upacara sane katiwak ring sarwa tumuuh nemunin saniscara kliwon utawi tumpek wariga.
 - b. Upacara sane katiwak ring sarwa ingon-ingon nemonin saniscara kliwon utawi Tumpek Uye.
 - c. Upacara pabeyakalaan marep ring manusa yadnya manut wi-gunannia.
- (3). Upacara pabeyakalaan ring Ibu Pertiwi muwah ring Kahyangan lan sarwa bebuthan kewastanin mecaru.
- (4). Pecaruan inucap ring ajeng, nista, madia, utama manut wi-gunania luire : Yadnya sesa/ngejot nyabran wusan ngerate-ngang, eka sata, panca sata, Resi gana, Panca kelud, Panca sanak, Tawur kesanga.

Pawos 72

Upacara tawur kesanga ritatkala sasih kesanga, patut ngelaksanayang kadi ring sor :

- a. Ring pempatan desa kawentenang pecaruan jagad, pemargine manut desa kala patra sane sampun kelaksanayang.
- b. Iprajura patut munas ajengan tawur.
- c. Ring Pura Dalem manut kadi ring sor :
 1. Nyangkreb godel sahe durung matelusuk kalaksanayang an - tuk ipregae, jagi manggen ring Dalem Setra.
 2. Indik hargan ipun manut tetimbang prajuru tur kasaksinin olih kerama, risampune manut hargan ipun, sang maduwe godel tan dados tulak.
- d. Ring soang-soang paumahan nganutin tetiwak saking Parisadha.
- e. Nyoreang ngewentenang pangrupukan mabuu-buu, tur kapidabda-bin olih prajuru.

- f. Ring rahina penyepian patut ngelaksanayang catur berata pe
nyepian lpire :
1. Amati geni : tan kengin meapi-api.
2. Amati karya : tan dados makarya.
3. Amati lelungan : tan dados lunga (luwas).
4. Amati lelungan : tan dados meseneng-seneng, nyuara-
yang tetabuhan, lan sapenunggilan-
nia.
- g. Pamargin berata ring ajeng inucap manut kawentennannia sa-
ha katuntun olih prajuru utawi sang sane kasudi pengawit -
berata penyepian macihna antuk suaran kulkul.
- h. Perade wenten mamurug berata inucap patut keni danda manut
perareman, sajawining sane polih panugrahan manut wigunan-
nia kalih pakobatnia, saha polih lingga tangan saking ipra-
juru.
- i. Ring rahina ngembak geni, mapiteges pengelukatan beratha -
semadi, soang-soang kerama patut nunas pangampura ring ka-
dangnia, lan makacihna ngawitang dewasa isaka warsa.
- j. Satunggil sasih kelima patut ngelaksanayang caru manca sa-
ta ring pempatan desa.

S A R G A . V

SUKERTA TATA PAWONGAN

Palet 1

PAWIWAHAN

Pawos 73

- (1). Pawiwahan inggih punika patemoning purusa pradana (lanang
istri) melerapan antuk panunggalan kayun suka cita kadu-
lurin antuk upasaksi sekala lan nkskala.
- (2). Pidabdab pawiwahan ring Desa Adat Pesinggahan ngemangge-
hang pemargin purusa, kepatut sang purusa sane ngalap ra-
bi tur kapumahang ring sang kapurusa.
- (3). Pemargin pawiwahan wenten palet-paletipun :
a. Pepadikon, kamanggala antuk pokurenan riin.
b. Merangkat utawi ngerorod, memargi riin sesiliban wus
punika wawu kakrunayang.
c. Nyeburin, sang lanang kepretisentanayang kemargiang -
pawiwahan ring wadon (istri).
- (4). Pidabdab....

- (4). Pidabdab sang pacang mawiwaha luire :
- a. Sampun munggah deha wiyadin teruna.
 - b. Sangkaning suka cita, lan tan kaparikosa.
 - c. Yan ngambil jadma siwos agama, patut kamanggalein antuk banten sudiwadani.
 - d. Nganutin kecaping agama, lan tan gamis gemana.
 - e. Mangda nganutin daging Undang-Undang Nomor 1 warsa 1974 saha PP.No.9 warsa 1975, muah pasuara sane kamedalang olih Guru Wisesa.

Pawos 74

- (1). Pawiwahan sane kapatut ring desa, kadi ring sor :
- a. Sampun matengeran suaran klukul.
 - b. Sampun kamargiang pabeyakalean wiyadin pesakapan, kasinanggeh sekala niskala antuk Ida Sang Sulinggih utawi pinandita.
 - c. Wenten pesaksi prajuru sane ngilikitayang pawiwahan.
 - d. Pawiwahan inucap ring ajeng sampun kailikitayang ring Kantor Catatan Sipil kepastika antuk Guru Wisesa.
- (2). Perabian sane tan manut ring ajeng kasinanggeh tan patut utawi nenten sah.

Pawos 75

Tata cara perabian ring desa :

- a. Sang pacang merabian (ngewerangang) kulawarganyane patut mesedek ring kelihan ~~utawi~~ indik pewaranganne, selenturnya kelihan banjar/desa maritatas manut tan manut kekecap perabiane.
- b. Pemargin indik pepadikan :
 1. Mekruna ping tiga luire : ngidih ping kalih, ping tiga - pengambilan.
 2. Ritatkala pengambilan, wargan sang predana lan purusa patut ngeraupang Kelihan Banjar/desa pinaka saksi.
 3. Risampune mepragat raris sang istri kaajak budel ring pakubon sang lanang, ring tigang rahinane kalanturang pabeyakala.
 4. Mangda puput tumus sekala niskala, raris kulawarga purusa makta pejati ring merajan wadone.
- c. Pemargin merangkat utawi ngerorod patut kadi ring sor :
 1. Mesedek.....

1. Mesedek ten kasapan ring awengi antuk duta sekiranya kalih diri.
 2. Ngewentenang pengelukuan manut tata cara, saha sadulur-annia.
 3. Wus pengambilan, yan sampun manut wargan sang istri sesampune mesedek ring kelihan banjar jaga nyuarayang kul, wiyadin semeton sang istri sesampune kewehin antuk kelihan banjar utawi petajuhnia.
 4. Yan sampun ping tiga pengelukuanne durung puput, wenang sang ngambil rabi nyadokang pemarginnyane ring kelihan-
desa utawi prajuru tur kapuputang antuk iprajuru.
- d. Pemargin indik nyeburin kadi ring sor :
1. Sane lanang meawak/medewek predana/istri.
 2. Sampun polih panguwak ring/saking warisnia.
 3. Selantur ipun pemargine manut pawos 75 aksara b angka 1, 2, 3, 4.

Pawos 76

- (1). Yan wenten anak kaicalan pianak istri, yan durung wenten pesedek sajeroning awengi, yogia digelis masadok ring Kelihan banjar utawi desa nunas tulung pacang meseserep.
- (2). Ikelihan banjar utawi desa ngenterang pemargin meseserep tur mangda nganutin tata keramaning ring desa.
- (3). Meseserep patut sampun polih panguak ring/saking prajuru.
- (4). Sang meseserep patut ~~patut~~ ring sapituduh kelihan utawi prajuru luire :
 - a. Meseserep wantah kalih diri keanter antuk i kelihan.
 - b. Tan kaangkat makta senjata/gegawan makaluire.
 - c. Tan kaangkat matingkah kalih mabawos wakparusya.
- (5). Senapake, ikelihan patut midabdakin mangda tata cara panetese terepti, maka buatang mangda anake istri jati-jati polih nerangang idepnyane sebeb ipun, mangda sang meseserep polih mireng bawos anake istri punika.

Pidabdabe luire :

 - a. Anake istri kagenahang ngeraga, tan dados anak siwos - ngenampekin, sawatara tigang depa, tur tinas ring inange.
 - b. Ikelihan nuntun nyulurang mangda sang meseserep polihmetaken ring sang istri.
 - c. Ikelihan.....

- c. Ikelihan nerangang/ninggasing pamakas ring sang istri mungguwing sahe pacang ngicenin pemayuh manut daging idep sang istri. Yan pada arsa, sang maseserep pacang katulak, yang sangkaning papaksa sang lanang pacang - katundung tur katiwakin danda manut peraroman.
- (6). Pamupute, ikelihan dumugi manut ring pamutus idep anake - istri inucap.

Pawos 77

- (1). Yan wenten jadma istri mobot, patut digelis kasadokang - ring kelihan banjar utawi kelihan desa tur digelis kejang kepang antuk iprajura ring sang sane mobotin.
- (2). Perade tan wenten sane ngangkenin bobotan punika, patut - kulawargannia keni danda lan upacara pemrayascita, saha - rare punika patut kaupacara manut agama.
- (3). Yan wenten anak istri mawiwaha kajaba desa utawi kejaba - kuta patut ngaturang banten pejati ring banjar nyane ma- rep anggen cihna suoran kulkul.

Palet 2

INDIK NYAPIHAN

Pawos 78

- (1). Sang palas merabik kabawos nyapihan, yan wusan merabian- sangkaning lempus/seda kabawos balu lanang utawi balu is- tri.
- (2). Sang ayat pacang nyapihan taler mangda nganutin ring da- ging awig-awig miwah undang-undang, patut atur supeksa ring sang rumawas, saha nunas palikita wastu tinas apadang in dik pemargin nyapihan.
- (3). Palas merabian wenten kalih pawos, inggih punika sangkan- ning pada lila miwah mawiwit wicara.
- (4). Sang nyapihan sasanpune kasahang antuk Guru Wisesa, wenang kawedarang ring banjar utawi desa antuk ikelihan.
- (5). Tata cara palas merabian sangkaning pada lila sekadi ring sor :
- a. Patut masadok ring kelihan banjar utawi kelihan desa.
- b. Kelihan inucap patut nureksa kawentennannyane, tur ngi- cenin panuntun, mangda sulur/bawos palase kapuputang - rihin.

- c. Risampune kaicen panuntun/kabawosin nenten presida adung malih, masengker 42 rahina, patut lanang istri ngawentenang ilikita indik pastika palas merabian tur ke - seksinin antuk reramania soang-soang lan iprajuru.
 - d. Pagunakaya polih pahan pada.
 - e. Pabekelan tetatadan soang-soang kekuasa niri-niri, wewarisan kekuasayang antuk purusa.
 - f. Patut ngewehin pangupajiwa lan kaweruhan ring pratisentana manut swadharmaning Guru Rupaka, tur pratisentanane kakuasa antuk sang purusa.
- (6). Yan kanton merabian wastuan merabian malih patut keni danda manut perareman.

Pawos 79

Perade riwekas sang palas, kacihna adung malih, patut :

- a. Ngelaksanayang pawiwahan malih.
- b. Keni danda manut perareman, yadiastun wit palase pecak sangkaning pada lila.

Pawos 80

- (1). Balu luh katinggal lampus antuk suaminia utawi balu sane pecak nyeburin patut ngemargiang swadharmaning sekadi ring sor :
- a. Ngemanggehang tibrita, tan dratikrama.
 - b. Ngeraksa tur ngutsahayang lan miara sehananing wewarisan lan sentanania.
 - c. Tan dados ngadol wewarisan sedereng polih wawakan kula warga rabiné saking purusa.
 - d. Kengin ngidih sentana perade wenten pidabdab, sedereng sinalih tunggil lampus, saha polih wawakan saking kula warga purusa.
 - e. Kawenangan malih merabian yang sampun kapaiguman antuk oka deha teruna lan kulawarga purusa.
- (2). Perade wenten balu inucap kaucap pageh, kacundung tan pesentana antuk kulawarga purusa wenang balu punika polih pahan pagunakaya.

Palet 3

INDIK SENTANA

Pawos 81

- (1). Sentana.....

- (1). Sentana wenten kalih pawos ; sane kaucap pretisentana miwah sentana peperasan.
- (2). Pretisentana inggih punika sentana sane metu saking pawiwahanne patut.
- (3). Parade pawiwahanne kapatut ngawetuang sentana kengin ngidih/sentana kadulurin antuk upasaksi sekala niskala, sane kawastanin sentana peperasan.

/ Pawos 82

- (1). Sane patut kaperas anggen sentana luire :
 - a. Jadma maagama hindu.
 - b. Kulawarga saking kapurusa.
 - c. Yening tan wenten saking kapurusa, kengin mewiwit saking kulawarga wadon, yening taler tan wenten, wawu kengin kulawarga sapasire ugi.
- (2). Sang pacang ngadegang sentana patut mesadok ring iprajuru sanistana 42 rahina sedereng dewasa pamerasan, tur patut ngewentenang pesadu arep ring kulawarga warisnya.
- (3). Iprajuru patut ngerabang ring kerama sawidangannya indik rencana sang pacang meras sentana.
- (4). Yan wenten kerama tan nginutin utawi merasa keberatan ring pemerasan punika, sanistana mesengker awuku sebanen dewasa, patut nglawos ring kelihan banjar utawi desa.
- (5). Parade pemargin sang pacang meras tan kapialang wawu kapuput pacang kelaksana.
- (6). Parade wenten ngalangin, manut sulur kadi kecaping ajeng, wenang iprajuru ngandeg sang pacang meras, saha ngicenin tuntunan mangda kapuputang rihin kabawos sulur utawi wicarania.
- (7). Peperasan punika sinanggeh patut yening sampun macihna :
 - a. Sampun patut mawidi widana peperasan manut sekadi peperasan.
 - b. Upacarane kasaksinin olih iprajuru adat lan dinas, saha kasiarang ring paruman banjar utawi paruman desa.
 - c. Sampun manggeh ring ilikita.
- (8). Deha tua utawi teruna tua kangkat meras oka, manut kaucap ring ajeng.
- (9). Meras sentana kengin langkungan ring adiri lanang utawi istri.

- (10). Sentana rajeg inggih punika, pretisentana wadon sane kamanggahang lanang (purusa) tur sampun ngelaksanayang pawiwahan nyeburin.
- (11). Sang sane dados kaarsayang sentana rajeg inggih punika :
- a. Pretisentana wadon.
 - b. Sampun kamanggahang dados pretisentana lanang.
 - c. Pawiwahanne nyeburin, kautamayang jedma sane marga Hindu.
 - d. Sane ngemanggahang sentana rajeg patut mesodok ring - prajuru.

Palet 4

INDIK WARISAN

Pawos 83

- (1). Warisan inggih punika; sehanan tetamian arta berana saha ayah - ayahan ngupadi kasukerta sekala niskala saking ka luburannia arep ring katurunannya.
- (2). Sane kasinanggeh warisan luire :
- a. Druwe tanah, paumahan, pamerajan utawi Kahyangan.
 - b. Paguna kaya, tetatadan, jiwadana.
 - c. Utang piutang.
- (3). Wawu kengin kabawos warisan prade :
- a. Wnten sang p diturun (pewaris).
 - b. Wnten keturunan utawi ahli waris.
 - c. Wnten arta berana (ayah tetegenan lan ayah-ayahan kabawos warisan.
- (4). Sane kabawos waris inggih punika :
- a. Pretisentana purusa.
 - b. Sentana rajeg (pretisentana predane).
 - c. Sentana peperasan lanang utawi istri/wadon.
- (5). Turade lan wnten mekadi ring ajeng, kang sinanggeh waris:
- a. Turunan purusa peperimahan ngunggahang mekadi rerama misan mindon.
 - b. Turunan kesamping mekadi misan mindon.

Pawos 84

- (1). Swadharmaning ahli waris patut : nerima saha ngutshayang tetamian ayah-ayahan kaluhurannia mekadi ngerempon sang - gah, Pura Pedadianan, Pura Kahyangan saha Pekerangannia.

- (2). Ngabenang sang kewarisin saha ngelanturang upacara Pitra-Yadnya sepatutnya.
- (3). Naurin utang-utang sang kewarisin pamakas utang ring desa utawi sane siwosan.

Pawos 85

- (1). Pangepahan warisan kaangkat kemargiang kadi ring sor :
 - a. Risampune ngelaksanayang Pitra Yadnya tur utang-piutang sang kewarisan sampun buntas ketawur.
 - b. Warisan sangkening arte berane pegunakaya kaepah pada, karang ayahan desa kaemong antuk waris sang siranggeh pinih arep.
- (2). Sinalih tunggil waris ring ajeng tan polih pah-pahah yan-perade :
 - a. Alpaka guru rupaka utawi Guru Swadyaya.
 - b. Sentana rajeg sane sampun kesah mawiwaha malih.
 - c. Sentana lanang sane nyeburin/merabian nyeburin kepeku renan lian.
 - d. Nilar kawitan sesananing agama.
- (3). Yen wenten sentana luh ngelaksanayang logika sanggraha (nyele polah) mewastu medrebe pianak kewastanin sentana - Alpaka Guru, yan pianaknyane keangkenin olih penglingsirnyane kengin pianak, punika ngewaris pegunakaya reramane - luh utawi biange mawon, tur keni danda manut perareman.
- (4). Sane kangkat ngewaris pamupu kemawon luiro :
 - a. Balu luh.
 - b. Balu muani sane mavit saking ngerorod nyeburin.
 - c. Sang mulih deha, seantukan ring pawiwahanne duman sampun kaucap ninggal kedaton.
- (5). Sekantun maurip, ipenglingsir kangkat ngewehin jiwa dana tetatadan utawi bekol makacihna paweweh ring pianake sane kesah mawiwaha.

Pawos 86

Perade sajeroning kulawarga wenten waris langkung ring adiri, patut :

- a. Kewentenang paigum indik pedum waris inucap.
- b. Yening tan presida, katunasang tatimbang ring iprajuru.
- c. Perade taler tan wenten nganutin ring panepas, werang katunasang ring rumawos utawi Guru Wisesa.

Pawos 87

Perade wenten karang kaputungan wenang iprajuru utawi kerta -
desa mawosin tur nureksa sila-silanya saha nibakang karang pu
nika ring :

- a. Waris saking kapurusa.
- b. Papernahan kesamping, yening tan wenten papernahan waris -
ngunggahang.
- c. Yening tan wenten kadi kocaping ojeng, wenang karang keputu
ngan inucap dados druwen banjar utawi desa.
- d. Tan dados ngangkep karang.
- e. Tan dados ngadol paumahan nyarengang karang desa.
- f. Deha tua sane rajeg, wenang polih wewarisan keh ipun asuhun

S A R G A VI

WICARA LAN PAMIDANDA.

Palet 1

Pawos 88

- (1). Sane patut mutusang wicara ring desa inggih punika sang
kasinanggeh Kelihan Banjar yening setunggil banjar, yening
melianan banjar inggih punika Kelihan Desa utawi iprajuru.
- (2). Pamupus indik bebawosan nganutin daging awig-awig, patitis
lan pamikukuh desa Tadot.
- (3). Parade indik wicara tan preside molihang pamutus ring ker
ta desa utawi praja ~~desa~~, wicara inucap kengin munasang
ring Guru Wisesa.

Pawos 89

- (1). Sehananing wicara sane ngawetuang laksana corah, nungkas
awig-awig, pastara, perareman banjar utawi desa sane kaba
wos angusak-asik banjar utawi desa, patut kebawosin antuk
ikelihan, tur patut keni danda manut perareman.
- (2). Perade wenten sinalih tunggil kerama desa mewicara utawi
ngewentenang bawos kawon, ngawetuang mamah sungsut ring
anal: siwosan, patut digelis kebawosin antuk kelihan ban -
jar utawi desa risampune wenten pesadok.
- (3). Pamutus patut pastika, nyantenang kaiwangarnya utawi tan
lempas ring daging awig-awig, tur patut melarapan antuk -
tri premana (saksi, ilikita, bukti).

Palet 2

INDIK PAMIDANDA

Pawos 90

- (1). Banjar utawi desa patut nibakang pamidanda ring kerama sa ne sisip.
- (2). Pbniwak inucap kalaksanayang olih kelihan banjar utawi - desa.
- (3). Pamidanda punika wenten bacakan ipun sekadi ring sor :
 - a. Kapidababin.
 - b. Ayah-ayahan panukun kasisipan.
 - c. Danda arta (dedosan saha panikel-panikelnya miwah panikel paturunan).
 - d. Pengupakara lan pangaskara.
 - e. Rerampagan utawi ngelelang.
 - f. Tan dados ngeranjing ke Pura.
 - g. Kasepekang.Gung alit pamidanda inucap ring ajeng manut daging pamutus perareman.
- (4). Jinah utawi arta berana pamidanda dados druwen banjar utawi desa.

Pawos 91

- (1). Kerama sane langkung ring tigang paruman ngelantur tan tan naur urunan dede... wewang kerampag.
- (2). Tata cara ngelaksanayang rerampagan manut kadi ring sor :
 - a. Sedurung ngelaksanayang rerampagan patut iprajuru mesa dok ring sang pacang kerampag.
 - b. Kalaksanayang olih iprajuru kesarengan antuk pecalang akehnia tigang diri pinaka saksi lan ngerombo iprajuru.
 - c. Sang ngerampag mangda sangkaning darsana ngambil druwen sang kerampag, utawi nyowenin tanem tuwuh akehnya manut ring utang sang kerampag.
 - d. Rerampagan kaungguhang ring ilikita tur kesaksiang.
 - e. Kelihan banjar utawi desa adat miteketin sang kerampag mangda digelis katebus, masenger kalih sasih ring - ring tigang sasih panamaya pacang koadol.
 - f. Jinah lelangan punika keranggen naur utangnia ring banjar utawi desa tur kowewehin antuk prabea rerampagan, sisannia kowaliang ring sang kerampag.

- g. Tan kawenangang ngerampag seluiring barang sane patut inggilang manut agama miwah mademang pengupa jiwa song kerampag.
- (3). Sane wenang kerampag wantah barang sane kabawos kasugian.
- (4). Yan sang kerampag ngalangin pemargin rerapagan inucap, wong inucap macihna tan nganutin daging awig-awig desa - lan petitis desa, lempas swadharmaning kerama, wong inucap wenang kedaut pipilnia ring banjar wiyadin ring desa saha kedaut druwen lan ayahannia antuk kerama banjar, wong inucap kabawos nore tur tan polih pengayom kerama banjar-utawi desa.
- (5). Pamidanda inucap kabawos buntas risampune sang keni danda:
- a. Nunas geng rena pengompura ring kerama banjar utawi desa riantukan nguak pasuara (perareman) pecak.
 - b. Naur pengargan penguak pasubaya duk pacang kerampag kaduluran perayascita penyagsag keiwangane ring desa.

S A R G A VII

NGUWAH KALIH NGUWUHIN AWIG-AWIG

Pawos 92

- (1). Nguwah kalih nguwuhin awig-awig puniki patut kelaksanayang antuk perarem kerama desa.
- (2). Perarem wiyadin sangkepan inucap patut melarapon antuk gilik-saguluk utawi kengin majalaran pasuara (wewilangan suara).
- (3). Pamutus kebawosan praside yan sampun ikerama gilik-saguluk utawi kengin majalaran pasuara (wewilangan suara).
- (4). Yan majalaran pawilangan suara, gaguatnya :
- a. Kerama desa sanistana kalih pahan saking sane rauh.
 - b. Wewilangan suara sane nganutin sanistana kalih pahan - paking, wewilangan suaranya parumen utawi sangkepan.

S A R G A VIII

P A M U P U T

Pawos 93

Sakeluwiring sane durung kabawos sajeroning awig-awig puniki patut kelaksanayang manut tata cara sane sampun memargi kadulur-in antuk perareman-perareman.

Pawos 94

- (1). Awig-awig puniki kemargiang ngawit saking keraremin antuk ikerama Desa Adat Pesinggahan.
- (2). Awig-awig puniki manggeh kalih kelaksanayang ring wewidangan Desa Adat Pesinggahan.
- (3). Awig-awig puniki ngenenin sehanan warga lan kerama Desa Adat Pesinggahan lan sehanan kakuub antuk Desa Adat Pesinggahan.
- (4). Awig-awig puniki keraremin duk rahina perareman kerama Desa Adat Pesinggahan ring rahina Sukra Pahing Dungulan Titi Pangelong ping dua sasih kasa Içaka 1914 tanggal 17-Juli 1992.
- (5). Awig-awig puniki kalingga tanganin antuk panitia Penyuratan awig-awig, Kelihan Desa, kesarengin antuk para Kelihan banjar sajabag Desa Adat Pesinggahan, macihna pamutus nya.

Luir sang ngelingga tanganin :

1. Panitia Penyuratan Awig-awig Desa Adat Pesinggahan.

Ketua,

(I NENGGAH RUDATHA).

Sekretaris,

(I WAYAN SUDIARTHA).

Baga Sukerta Tata
Pekeraman,

(I MADE NGUMPEG).

Baga Sukerta Tata
Pawongan,

(I KETUT JIWANA).

Baga Sukerta Tata
Pawongan

(I NENGGAH RIMPEG).

2. Kelihan Banjar Timbul,

(I NENGGAH MLASA).

3. Kelihan Banjar Klodan,

(I WAYAN SADIA).

Petajuk,

(I NENGGAH REDANA).

4. Kelihan.....

4. Kelihan Banjar Bedauh,

(I WAYAN SANGKREB).

5. Kelihan Banjar Kenginan,

(I WAYAN SUJA).

6. Kelihan Banjar Kawan,

(I KETUT SEREGEN).

Petajuh,

(I NYOMAN RUDITI).

7. Bendesa Adat Pesinggahan,

(I KETUT SENTANI).

Petajuh,

(I NENGAH KARYA).




8. Kepala Desa Pesinggahan,

(I NYOMAN PUDJA).

NIP.010 030 953.--

Pelaksanaan Awig-awig puniki kakukuhang kalih ka-
lingga tangannin olih Bupati Kepala Daerah Tingkat
II Klungkung,



(T. JOKORDE GEE AGUNG).